



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola CXXII. Gregorii Papae I. Ad Brvnichildem Reginam Francorvm.
Hilarium commendat, vt illum tuitione sua proregat.

urn:nbn:de:hbz:466:1-15221

EPISTOLA CXXII.

GREGORII PAPÆ I.

AD BRVNICHILDEM REGINAM FRANCORVM.

Hilarium commendat, vt illum tuitione sua
protegit.

Gregorius Brunichildæ reginæ Francorum.

CVM in regni regimine virtus iustitia, & potestas egeat
cæquitate, nec ad hoc alterum sine altero possit suffi-
cere; quanto in vobis amore horum cura præfulgeat, ex
hoc vtique patenter ostenditur, dum turbas gentium lau-
dabiliter gubernatis. Quis ergo hæc considerans de excel-
lentia vestra bonitate diffidat? aut de impetratione sit du-
bium, quando illa a vobis, quæ subiectis vos libenter posse
nouit impendere, duxerit postulanda? Lator itaque præ-
sentium Hilarius, excellentia vestra famulus, nostra se
interuentione apud potestatem vestram æstimans adiuua-
ri, commendationis nostræ sibi poposcit epistolas suffra-
gari; certum tenens vberius, sicut ceteris conceditis,
promereri, si nostra pro eo intercessio loqueretur. Pro-
inde paternæ caritatis affectu salutationis persoluentes al-
loquia petimus, vt quia quorundam se perhibet nequitia
aduersitatibus laborare, excellentia vestra eum tutio
muniat, & ne contra rationem valeat prægrauari, sua il-
lum iussione tutum esse præcipiat; quatenus dum vobis
iubentibus atque propitiis nullius aduersitas iniuste, &
pro sola tantummodo voluntate locum habuerit, & nos
de impetratis, quæ pro vestra magis mercede poscimus,
gratias referamus, & excellentia vestra beatus Petrus
apostolorum princeps, quem in nobis concedendo quæ
petimus Christiana deuotione veneramini, recompenset.